

**Cyfarwyddwr Cyffredinol Iechyd a Gwasanaethau Cymdeithasol/  
Prif Weithredwr GIG Cymru  
Grŵp Iechyd a Gwasanaethau Cymdeithasol**

**Director General Health and Social Services/  
NHS Wales Chief Executive  
Health and Social Services Group**



**Llywodraeth Cymru  
Welsh Government**

Nick Ramsay AC  
Cadeirydd  
Pwyllgor Cyfrifon Cyhoeddus  
Cynulliad Cenedlaethol Cymru  
Bae Caerdydd  
Caerdydd  
CF99 1NA

10 Rhagfyr 2019

Annwyl Mr Ramsay,

**Rheoli Meddyginiaethau**

Yn dilyn eich llythyr dyddiedig 15 Chwefror, gofynnodd i mi ysgrifennu at y Pwyllgor eto i roi'r wybodaeth ddiweddaraf iddynt ar nifer o ymatebion Llywodraeth Cymru i adroddiad yr Ymchwiliad Rheoli Meddyginiaethau.

Mae'r ddogfen amgaaedig yn rhoi'r wybodaeth ddiweddaraf ar gynnydd y camau gweithredu sy'n weddill.

Yn gywir

**Dr Andrew Goodall**

cc: Andrew Evans, Prif Swyddog Fferyllol, Llywodraeth Cymru  
Blwch Postio CGU  
Blwch Postio'r Cabinet



# Ymateb i'r argymhellion a gynhwysir yn adroddiad Pwyllgor Cyfrifon Cyhoeddus Cynulliad Cenedlaethol Cymru sy'n dwyn y teitl Rheoli Meddyginiaethau



Llywodraeth Cymru  
Welsh Government

Argymhelliad	Ymateb Llywodraeth Cymru	Diweddariad	Cwblhawyd/ Parhaus
<p><b>Argymhelliad 1.</b> Mae'r Pwyllgor yn argymhell bod Llywodraeth Cymru yn llunio adroddiad blynyddol yn manylu gwybodaeth am welliannau wrth reoli meddyginiaethau ar draws y Byrddau Iechyd, i gynyddu atebolrwydd a sicrhau bod proffil rheoli meddyginiaethau yn parhau i fod yn uchel ar agenda Byrddau Iechyd.</p> <p><b>Derbyn</b></p>	<p>Nid ydym yn ystyried y broses o gyhoeddi adroddiad blynyddol ychwanegol gan Lywodraeth Cymru fel y dull mwyaf priodol o gyflawni amcanion y Pwyllgor. Fel dewis amgen i gyhoeddi adroddiad blynyddol ychwanegol gan Lywodraeth Cymru, byddwn yn gofyn i Grŵp Strategaeth Meddyginiaethau Cymru Gyfan (AWMSG) wneud gwaith i lywio a datblygu ei adroddiad blynyddol cyfredol ac adrodd chwarterol ar gynnydd yn erbyn dangosyddion rhagnodi cenedlaethol i sicrhau bod y cynnwys a'r fformat yn fwy perthnasol a hygyrch i aelodau Bwrdd Cyrrff y GIG.</p> <p>Caiff y gwaith hwn ei gwblhau mewn pryd ar gyfer cyhoeddi adroddiad blynyddol AWMSG ar gyfer 2018-19.</p> <p>Yn ogystal, byddwn yn parhau i ddatblygu dangosyddion rheoli meddyginiaethau fel rhan o Fframwaith Cyflawni GIG Cymru</p>	<p>Ysgrifennodd y Prif Swyddog Fferyllol a'r Dirprwy Brif Swyddog Meddygol at Brif Weithredwyr y byrddau iechyd ar 16 Hydref, i'w hysbysu bod yr adroddiadau wedi'u cyhoeddi ar wefan Uned Cymorth Rhagnodi Dadansoddol Cymru i'r GIG (WAPSU)</p> <p><a href="https://www.awttc.org/annual-prescribing-reports-2018%E2%80%932019">https://www.awttc.org/annual-prescribing-reports-2018%E2%80%932019</a>.</p> <p>Mae'r adroddiadau hyn yn rhoi crynodeb o gynnydd pob bwrdd iechyd i wella'r broses ragnodi yn erbyn wyth mesur yn y pedwar maes â blaenoriaeth a nodir gan Lywodraeth Cymru, sef: presgripsiynu diogel; stiwardiaeth gwrthficrobaidd; effeithlonrwydd ariannol; a</p>	<p>Cwblhawyd</p> <p>(Bydd WAPSU yn parhau i ddarparu'r adroddiad hwn yn flynyddol)</p>

Argymhelliad	Ymateb Llywodraeth Cymru	Diweddariad	Cwblhawyd/ Parhaus
	<p>ac yn rhoi'r atebolrwydd o ran perfformiad yn erbyn y fframwaith ar gyrf GIG.</p>	<p>mynediad at feddyginiaethau. Mae adroddiad unigol cymharol ar gael ar gyfer pob bwrdd iechyd, sy'n nodi eu safle a'u cynnydd ers y flwyddyn flaenorol o gymharu â'r byrddau iechyd eraill, yn erbyn cyfres o fesurau cyffredin</p> <p>Bwriad yr adroddiadau yw rhoi cipolwg ar gynnydd y byrddau iechyd, gan roi crynodeb o ansawdd a diogelwch presgripsiynu yn erbyn nifer o fesurau. Yn eu llythyr at y Prif Weithredwyr, nododd y Prif Swyddog Fferyllol a'r Dirprwy Brif Swyddog Meddygol mai'r disgwyliad sylfaenol ym mhob achos fyddai bod yr adroddiadau'n cael eu dosbarthu i aelodau'r bwrdd, ac yn cynnig cyfleoedd iddyn nhw neu i'r pwyllgor Ansawdd a Diogelwch, graffu ar y cynnwys.</p>	

Argymhelliad	Ymateb Llywodraeth Cymru	Diweddariad	Cwblhawyd/ Parhaus
<p><b>Argymhelliad 3.</b> Mae'r Pwyllgor yn argymhell bod Llywodraeth Cymru yn pennu cynllun i wneud y defnydd gorau o adnoddau fferyllfeydd, gan gynnwys datblygu modiwlau i'w cyflenwi fel rhan o Dewis Fferyllfa a galluogi fferyllwyr annibynnol. Dylai'r cynllun hwn adeiladu ar yr argymhellion yn adroddiad y Gymdeithas Fferyllol Frenhinol.</p> <p><b>Derbyn</b></p>	<p>Byddwn yn gweithio gyda Gwasanaeth Gwybodeg GIG Cymru a byrddau iechyd i ddatblygu modiwlau eraill fel rhan o Dewis Fferyllfa sy'n cefnogi fferyllwyr cymunedol sy'n darparu amrywiaeth gynyddol o wasanaethau clinigol. I'r perwyl hwnnw, mae modiwlau eraill yn cael eu datblygu o fewn Dewis Fferyllfa i gefnogi'r gwasanaeth atal cenhedlu brys cenedlaethol a gwasanaeth profi a thrin dolur gwddf gan fferyllfeydd cymunedol. Bwriedir i'r ddau fodiwl fod ar gael yn ddiweddarach yn 2018-19. Yn ogystal â modiwlau sy'n cefnogi gwaith comisiynu gwasanaethau, mae'r rhaglen Dewis Fferyllfa yn cael ei datblygu i wella cyfathrebu rhwng fferyllfeydd cymunedol a darparwyr eraill y GIG. Ymhlith y datblygiadau hyn mae trosglwyddo llythyrau electronig o fferyllfeydd i feddygon teulu a gofal eilaidd (i'w cyflawni erbyn mis Mawrth 2019), a systemau i ganiatáu i wasanaeth 111 GIG Cymru atgyfeirio cleifion priodol at fferyllfa gymunedol.</p> <p>Mae rhagnodi annibynnol gan fferyllwyr wedi cynyddu'n sylweddol dros y blynyddoedd diwethaf, wedi'i hwyluso gan</p>	<p>Mae cyllid gwerth £0.7m yn parhau i fod ar gael i fyrdau iechyd o dan y Fframwaith Contract Fferylliaeth Gymunedol eto yn 2019-20 i gefnogi safleoedd rhagnodi annibynnol presennol a chynyddu nifer y dulliau braenaru rhagnodi annibynnol ledled Cymru.</p> <p>Mae Fferylliaeth Gymunedol Cymru wedi cytuno ar fanyleb gwasanaeth, ac aeth y safleoedd braenaru rhagnodi annibynnol cyntaf yn fyw ym Mwrdd Iechyd Prifysgol Betsi Cadwaladr ym mis Hydref 2019. Disgwylir i wasanaethau mewn byrddau iechyd eraill ddechrau cyn diwedd 2019-20 pan fydd fferyllwyr wedi cwblhau eu hyfforddiant rhagnodi annibynnol.</p> <p>Yn ogystal â'r 45 o fferyllwyr a ddechreuodd ar hyfforddiant rhagnodi</p>	<p>Parhaus - cyllid yn cael ei ddarparu hyd at fis Mawrth 2020</p>

Argymhelliad	Ymateb Llywodraeth Cymru	Diweddariad	Cwblhawyd/ Parhaus
	<p>y cynnydd mewn swyddi ym mhraetisau meddygon teulu. Ym mis Ionawr 2018 ym maes gofal sylfaenol, rhoddodd 65 o fferyllwyr-ragnodwyr annibynnol 50,484 o bresgripsiynau o 111 o bractisau meddygon teulu. Dyma gynnydd o 150 y cant yn nifer y fferyllwyr-ragnodwyr annibynnol sy'n weithgar, cynnydd o 640 y cant yn nifer y presgripsiynau gan fferyllwyr-ragnodwyr a chynnydd o 171 y cant yn nifer y practisau meddygon teulu sy'n defnyddio fferyllwyr-ragnodwyr annibynnol yn y ddwy flynedd ers mis Ionawr 2016.</p> <p>Ym mis Ebrill, cadarnhawyd cyllid er mwyn i hyd at 100 o fferyllwyr cymunedol ymgymryd â chyrsgiau rhagnodi annibynnol yn y ddwy flynedd nesaf ac i ddarparu cyllid i fyrddau iechyd ar gyfer cefnogi'r gwaith o sefydlu hyd at 40 o safleoedd braenaru ar gyfer presgripsiynau annibynnol mewn fferyllfeydd cymunedol.</p> <p>Byddwn yn gofyn i Bwyllgor Fferyllol Cymru weithio gyda rhanddeiliaid, gan gynnwys y Gymdeithas Fferyllol Frenhinol, i ddatblygu cynllun sy'n</p>	<p>annibynnol yn 2018-19, mae cyllid ar gael i gefnogi hyd at 50 yn rhagor yn 2019-20.</p> <p>Mae gwasanaeth Dewis Fferyllfa bellach ar gael yn 98% o fferyllfeydd cymunedol ar draws Cymru, ac mae gwaith yn mynd rhagddo i ddatblygu a chyflwyno gwasanaethau newydd megis y gwasanaeth profi a thrin dolur gwddf newydd.</p> <p>Mae Pwyllgor Fferyllol Cymru wedi cwblhau ei waith o ddisgrifio uchelgeisiau'r proffesiwn fferyllol ar gyfer rolau'r dyfodol. Mae'r adroddiad <a href="#">Fferylliaeth: Cyflawni Cymru Iachach</a> yn disgrifio'r camau y bydd y proffesiwn fferyllol yn eu cymryd rhwng nawr a 2030. Mae'r Gweinidog Iechyd a Gwasanaethau Cymdeithasol wedi cytuno i sefydlu Bwrdd Cyflawni i gydlynu'r camau angenrheidiol o bob rhan o'r</p>	

Argymhelliad	Ymateb Llywodraeth Cymru	Diweddariad	Cwblhawyd/ Parhaus
	disgrifio rolau gweithwyr fferyllol proffesiynol yng Nghymru yn y dyfodol a'r camau i'w cymryd gan yr holl randdeiliaid er mwyn manteisio i'r eithaf ar y defnydd ohonynt. Caiff y cynllun ei gwblhau ddechrau 2019-20.	proffesiwn fferyllol yng Nghymru. Bydd y Bwrdd yn cyfarfod yn gynnar yn 2020.	
<p><b>Argymhelliad 6.</b> Mae'r Pwyllgor yn argymhell bod Llywodraeth Cymru yn diwygio'r contract fferyllfa gymunedol i gyflawni'r newidiadau angenrheidiol i wireddu potensial llawn y sector fferyllol a gwireddu'r nod o symud o gyfres o drefniadau yn seiliedig ar nifer i ansawdd, a gweithredu amserlenni.</p> <p><b>Derbyn</b></p>	Ym mis Hydref 2016, cyhoeddais fwriad Llywodraeth Cymru i wneud trefniadau contract newydd ar gyfer fferyllfeydd cymunedol sy'n sicrhau yn y dyfodol y byddant yn darparu amrywiaeth ehangach o wasanaethau sy'n canolbwyntio ar elfennau clinigol ac yn dangos ymrwymiad i wella ansawdd gwasanaethau. Yn 2017-18, cyflwynwyd trefniadau contract newydd a oedd yn cynnwys 1) cyllid cynyddol ac wedi'i neilltuo ar gyfer comisiynu gwasanaethau clinigol ychwanegol yn lleol gan fyrddau iechyd; 2) cyllid i gefnogi cydweithredu rhwng fferyllwyr a gweithwyr gofal iechyd proffesiynol eraill; a 3) cynllun ansawdd a diogelwch newydd ar gyfer fferyllfeydd cymunedol. Cafodd y newidiadau eu cyllido drwy aiddosbarthu £3.5 miliwn o gyllid contract	<p>Gwelwyd cynnydd o 130% yn y cyllid i gefnogi'r gwaith o gomisiynu a darparu gwasanaethau clinigol sy'n ychwanegu gwerth gan fferyllfeydd cymunedol ers 2016-17 (o £3.9m i £9.0m erbyn diwedd 2019-20).</p> <p>Mae hyn wedi arwain at fferyllfeydd yn darparu ystod ehangach o wasanaethau, a mynediad mwy cyson at wasanaethau sydd eisoes wedi'u sefydlu gan gynnwys gwasanaethau cenedlaethol sy'n ymwneud ag anhwylderau cyffredin, brechiad rhag y fflw a rhoi'r gorau i smygu, sydd bellach</p>	Cwblhawyd

Argymhelliad	Ymateb Llywodraeth Cymru	Diweddariad	Cwblhawyd/ Parhaus
	<p>o drefniadau sydd wedi'u llywio gan faint (h.y. rhagnodi) i'r elfennau newydd sy'n canolbwyntio ar ansawdd.</p> <p>Ar gyfer 2018-19, daethpwyd i gytundeb â Fferylliaeth Gymunedol Cymru i ailddosbarthu £3 miliwn pellach i gefnogi comisiynu gwasanaethau pellach, i gryfhau ac ymestyn cydweithredu a chynlluniau ansawdd a diogelwch ac i ddatblygu'r gweithlu fferylliaeth gymunedol.</p> <p>Byddwn yn parhau i bontio i'r trefniadau contract newydd ar gyfer fferylliaeth gymunedol drwy negodiadau blynyddol, a bydd y trefniadau newydd ar waith yn llawn erbyn diwedd 2020-21.</p>	<p>ar gael fel mater o drefn ym mhob bwrdd iechyd, yn ogystal â gwasanaethau braenaru Rhagnodi Annibynnol trawsnewidiol, a fydd yn cychwyn yn 2019-20.</p> <p>Erbyn mis Mawrth 2020, bydd Llywodraeth Cymru wedi ariannu hyfforddiant i fwy na 80 o fferyllwyr cymunedol i fod yn ragnodwyr annibynnol, er mwyn gwella mynediad at driniaeth ar gyfer ystod ehangach o fân anhwylderau, a darparu dulliau atal cenhedlu rheolaidd o fferyllfeydd cymunedol ar draws Cymru.</p> <p>Mae newidiadau i'r cydweithrediad fferyllol a chynlluniau ansawdd a diogelwch, a gyflwynwyd yn 2017-18, yn parhau i roi mwy o gyfleoedd i fferyllwyr weithio gyda gweithwyr gofal iechyd proffesiynol eraill i wella profiad y claf a gwella'r</p>	

Argymhelliad	Ymateb Llywodraeth Cymru	Diweddariad	Cwblhawyd/ Parhaus
		broses o roi a defnyddio cyffuriau mewn modd diogel ac effeithiol.	
<p><b>Argymhelliad 8.</b> Mae'r Pwyllgor yn argymhell bod Llywodraeth Cymru yn ymchwilio i ffyrdd o elwa ar yr arbenigedd academaidd yng Nghymru i ddeall graddfa Derbyniadau sy'n Gysylltiedig â Meddyginiaeth a sut i'w lleihau.</p> <p><b>Derbyn</b></p>	<p>Ym mis Ionawr 2018, sefydlodd y Prif Swyddog Fferyllol weithgor oes fer (SLWG) sy'n cynnwys arbenigwyr diogelwch meddyginiaethau ledled Cymru i gynghori ar y dull gweithredu cyffredinol a'r rhaglen angenrheidiol i lywio gwelliannau ym maes diogelwch meddyginiaethau yn y GIG yng Nghymru. Cynhaliodd y Gweithgor, sy'n dod ag arbenigwyr ynghyd o bractisau a'r byd academaidd, gyfarfodydd ym mis Ionawr a Mawrth, a bwriedir cynnal cyfarfodydd eraill yn 2018.</p> <p>Ar hyn o bryd mae'r Gweithgor yn archwilio ffynonellau data, gan gynnwys ond heb fod yn gyfyngedig i dderbyniadau i ysbytai, er mwyn pennu cyfres briodol o fesurau ar gyfer niwed sy'n gysylltiedig â meddyginiaethau fel ffocws ar gyfer rhaglen waith i wella diogelwch meddyginiaethau yng Nghymru.</p> <p>Rydym yn cydnabod bod niwed sylweddol yn deillio o dderbyniadau sy'n gysylltiedig</p>	<p>Mewn ymateb i argymhellion y Gweithgor Bywyd Byr (SLWG), cafodd "rheoli meddyginiaethau mewn modd mwy diogel" ei gynnwys fel un o'r chwe maes ansawdd o fewn Cymru lachach.</p> <p>Mae Llywodraeth Cymru wedi bod yn gweithio gyda Gwelliant Cymru a phartneriaid yn Addysg a Gwella Iechyd Cymru (AaGIC), Gwasanaeth Gwybodeg GIG Cymru ac Uned Cymorth Rhagnodi Dadansoddol Cymru (WAPSU) i roi elfennau o raglen ar waith i gefnogi'r gwaith o wella meddyginiaethau mewn modd diogel. Mae'r rhain yn cynnwys:</p>	Cwblhawyd



Argymhelliad	Ymateb Llywodraeth Cymru	Diweddariad	Cwblhawyd/ Parhaus
	<p>â meddyginiaethau (MRAs) ond rydym yn pryderu y byddai ffocws ar feintoli MRAs <i>post hoc</i> yn tynnu oddi wrth gamau i atal niwed cyn iddo ddigwydd. Mae'n anodd canfod MRAs oherwydd presenoldeb ffactorau dryslyd mewn llawer o achosion, ac mae asesiadau cadarn o nifer yr achosion o MRAs wedi bod yn gyfyngedig i astudiaethau ymchwil. Fodd bynnag, mae gennym ddealltwriaeth dda o'r meddyginiaethau a'r sefyllfaoedd a gysylltir amlaf ag MRAs; y flaenoriaeth ar gyfer lleihau niwed sy'n gysylltiedig â meddyginiaethau fyddai ymdrin â hyn.</p> <p>Bydd y Gweithgor yn gorffen ei waith erbyn mis Hydref 2018, ac ar ôl hynny bydd yn cyflawni ei rôl fel grŵp llywio'r rhaglen genedlaethol ar gyfer diogelwch meddyginiaethau.</p>	<ul style="list-style-type: none"> <li>- Datblygu dangosfwrdd diogelwch meddyginiaethau sy'n cyfuno data ar dderbyniadau i'r ysbyty sy'n gysylltiedig â meddyginiaethau ac yn ymwneud â gwaedu, anafiadau aciwt ar yr arenau a chwypadau, gyda data ar nifer y ffactorau risg o niwed fesul bwrdd iechyd a chlwstwr gofal sylfaenol (ar gael ers haf 2019);</li> <li>- Mwy o ffocws ar leihau niwed sy'n gysylltiedig â meddyginiaethau mewn contractau gofal sylfaenol drwy'r Cynllun Ansawdd a Diogelwch ar gyfer fferyllfeydd cymunedol a'r Fframwaith Sicrhau a Gwella Ansawdd ar gyfer meddygon teulu (gweithredwyd yn 2017 a 2018);</li> </ul>	

Argymhelliad	Ymateb Llywodraeth Cymru	Diweddariad	Cwblhawyd/ Parhaus
		<p>- Cydweithrediad cenedlaethol wedi'i gynllunio ar gyfer diogelwch meddyginiaethau a gyflawnir gan Gwelliant Cymru i oruchwylio gweithgarwch gwella ansawdd gan sefydliadau'r GIG, gyda'r nod o leihau niwed sy'n gysylltiedig â meddyginiaethau (i'w lansio ym mis Tachwedd 2019).</p>	
<p><b>Argymhelliad 12.</b> Mae'r Pwyllgor yn argymhell bod Llywodraeth Cymru yn llunio adroddiad ar arferion gorau ar archebu presgripsiynau amlroddadwy gan grwpiau clwstwr mewn lleoliadau cartrefi gofal i helpu i lywio polisïau a chamau gweithredu ar bresgripsiynau amlroddadwy.</p> <p>Ac</p> <p><b>Argymhelliad 13.</b> Mae'r Pwyllgor yn argymhell bod</p>	<p>Roedd gwaith y grŵp gweithredu rhagnodi darbodus (PPIG) yn hanfodol wrth nodi meysydd lle y gellid gwella systemau rhagnodi amlroddadwy. Ar ôl i swyddogion Llywodraeth Cymru roi tystiolaeth i'r Pwyllgor ym mis Mawrth 2016, disodlwyd PPIG a throsglwyddwyd y cyfrifoldeb dros weithredu argymhellion y grŵp a phrofi'r dulliau amrywiol a argymhellwyd i wella rhagnodi amlroddadwy a lleihau gwastraff i grŵp cymheiriaid Prif Fferyllwyr y GIG.</p> <p>Bydd Llywodraeth Cymru yn casglu, o bob bwrdd iechyd a Fferylliaeth Gymunedol Cymru, tystiolaeth o</p>	<p>Mae Canolfan Therapiwteg a Thocsicoleg Cymru Gyfan wedi casglu tystiolaeth am ganlyniadau amrywiol fentrau a gynhelir yng Nghymru i wella'r broses o roi presgripsiynau amlroddadwy, gan gynnwys gweithio gyda chartrefi gofal. Mae hyn wedi cynnwys ymgysylltu â byrddau iechyd a Fferylliaeth Gymunedol Cymru i nodi enghreifftiau addas i'w cynnwys. Mae'r gwaith hwn wedi dod i ben, a bydd ar gael i'r holl fyrddau iechyd</p>	<p>Cwblhawyd</p>

Argymhelliad	Ymateb Llywodraeth Cymru	Diweddariad	Cwblhawyd/ Parhaus
<p>Llywodraeth Cymru yn rhoi'r diweddaraf am waith y grŵp rhagnodi darbodus mewn perthynas â'i waith ar y modelau amrywiol ar gyfer systemau presgripsiynau amlroddadwy ym mis Medi 2018 er mwyn caniatáu i'r Pwyllgor fonitro cynnydd ar hyn.</p> <p><b>Derbyn</b></p>	<p>ganlyniadau darnau amrywiol o waith sy'n cael eu gwneud er mwyn gwella rhagnodi amlroddadwy, gan gynnwys gwaith i wella'r broses o archebu presgripsiynau amlroddadwy o fewn cartrefi gofal, a darparu diweddariad ar y gwaith hwn i'r Pwyllgor ym mis Ionawr 2019.</p>	<p>yng Nghymru cyn diwedd y flwyddyn galendr.</p>	
<p><b>Argymhelliad 14.</b> Mae'r Pwyllgor yn argymhell bod Llywodraeth Cymru yn gwerthuso'r gwaith o gyflwyno'r system Trawsgrifio Meddyginiaeth ac e-Ryddhau er mwyn ystyried cynnydd a manteision y dull hwn.</p> <p><b>Derbyn</b></p>	<p>Mae llawer o dystiolaeth ar gael sy'n dangos bod perygl mawr o gam-gyfathrebu a gwneud newidiadau anfwriadol i feddyginiaethau cleifion pan fyddant yn symud rhwng darparwyr gofal, ac mae hyn yn peri problemau sylweddol. Drwy wella'r broses o drosglwyddo gwybodaeth am feddyginiaethau ar draws pob lleoliad gofal, gellid lleihau nifer yr achosion o niwed y gellid ei osgoi i gleifion, gwella diogelwch cleifion a chyfrannu at leihau nifer y derbyniadau ac aildderbyniadau sy'n ymwneud â meddyginiaethau y gellid eu hosgoi.</p> <p>Cynhaliwyd gwerthusiadau o fanteision y system o Drawsgrifio Meddyginiaethau ac</p>	<p>Mae'r nifer sy'n defnyddio'r gwasanaeth Trawsgrifio Meddyginiaethau ac e-Ryddhau (MTeD) ar draws GIG Cymru, a'r gwaith o'i werthuso, yn cael eu monitro fel rhan o'r adroddiadau cynnydd rheolaidd.</p> <p>Mae MTeD wedi cael ei gyflwyno ar draws y rhan fwyaf o Fyrddau lechyd Lleol; ac mae gweddill y Byrddau lechyd Lleol yn gweithredu systemau presennol ar gyfer rhyddhau meddyginiaethau,</p>	<p>Cwblhawyd</p>

Argymhelliad	Ymateb Llywodraeth Cymru	Diweddariad	Cwblhawyd/ Parhaus
	<p>e-Ryddhau (MTeD) yn flaenrol gan Wasanaeth Gwybodeg GIG Cymru (NWIS)<sup>1</sup> a Bwrdd Iechyd Prifysgol Cwm Taf<sup>2</sup> a ddangosodd welliannau o ran ansawdd ac amseriad rhannu gwybodaeth am ryddhau gyda meddygon teulu cleifion.</p> <p>Yn ystod ymchwiliad y Pwyllgor mae argaeledd MTeD ar draws cyrff y GIG yng Nghymru wedi cynyddu'n sylweddol gyda'r system MTeD yn cael ei gweithredu mewn pum bwrdd iechyd a datrysiadau e-ryddhau a oedd yn bodoli eisoes ar waith mewn dau fwrdd iechyd. Mae gwelliannau pellach i'r system MTeD yn cael eu cynllunio a fydd wedyn yn hwyluso'r broses o'i gweithredu yn y ddau fwrdd iechyd sy'n weddill ar ddiwedd 2018-19.</p> <p>Rydym yn disgwyl i NWIS a'r byrddau iechyd gael trefniadau gwerthuso priodol yn eu lle sy'n sicrhau bod manteision disgwylidig y system MTeD yn cael eu</p>	<p>ond yn gweithio i roi system MTeD ar waith.</p>	

<sup>1</sup> Gwasanaeth Gwybodeg GIG. Adroddiad ar Werthusiad y Prosiect Trawsgrifio ac e-Ryddhau Meddyginiaethau. Ionawr 2014

<sup>2</sup> Davies C. Llythyr Cyngor y Prosiect e-Ryddhau – Adroddiad Diwedd y Prosiect. Bwrdd Iechyd Prifysgol Cwm Taf, Tachwedd 2017.

Argymhelliad	Ymateb Llywodraeth Cymru	Diweddariad	Cwblhawyd/ Parhaus
	<p>gwireddu. Byddwn yn gweithio gyda NWIS i sicrhau bod y mesurau gwerthuso hyn yn rhan o adroddiadau cynnydd arferol mewn perthynas â chyflwyno MTeD.</p>		
<p><b>Argymhelliad 16.</b> Mae'r Pwyllgor yn argymhell fel rhan o waith comisiynu a chyflwyno system e-ragnodi newydd Llywodraeth Cymru, ei bod yn datblygu cynllun gweithredu ategol i helpu i gyflawni'r newid diwylliannol sydd ei angen i gyd-fynd â chyflwyno system newydd</p> <p>Ac</p> <p><b>Argymhelliad 17.</b> Mae'r Pwyllgor yn argymhell bod Llywodraeth Cymru yn rhannu ei chynllun gweithredu a cherrig milltir allweddol ar gyfer y system rhagnodi a rheoli meddyginiaethau yn electronig (EPMA) gyda'r Pwyllgor.</p>	<p>Mae NWIS wedi sefydlu prosiect Rhagnodi Electronig, Fferylliaeth a Gweinyddu Meddyginiaethau mewn Ysbytai Cymru (WHEPPMA) i ddatblygu a gweithredu'r cynllun cenedlaethol ar gyfer rhagnodi ym maes gofal eilaidd.</p> <p>Mae'r tîm prosiect yn gweithio gyda rhanddeiliaid ar hyn o bryd i gwblhau'r achos busnes ar gyfer caffael system fferylliaeth newydd mewn ysbytai a datrysiad rhagnodi electronig a gweinyddu meddyginiaethau. Caiff yr achos busnes ei ystyried gan Lywodraeth Cymru maes o law. Yn amodol ar gwblhau achos busnes boddhaol, disgwylir i'r gwaith o gaffael y systemau hyn gychwyn yn ystod 2018-19 ac y byddant ar waith ar ddechrau 2019. Bydd y cynllun gweithredu, gan gynnwys y camau sydd eu hangen gan gyrff y GIG i gyflawni'r newid busnes angenrheidiol i elwa i'r eithaf ar fanteision e-ragnodi, a'r cerrig milltir, yn cael eu sefydlu gan NWIS</p>	<p>Mae'r Achos Busnes Terfynol ar gyfer prosiect Gweinyddu Rhagnodion Electronig, Fferyllfeydd a Meddyginiaeth Ysbytai Cymru (WHEPPMA) wedi cael ei gyflwyno i Lywodraeth Cymru, ac mae'n mynd drwy'r broses graffu ar hyn o bryd.</p> <p>Mae Achos Busnes Amlinellol e-Ragnodi yn cael ei ddatblygu gan WHEPPMA, a disgwylir iddo gael ei gyflwyno erbyn mis Rhagfyr 2019.</p>	<p>Parhaus</p>

Argymhelliad	Ymateb Llywodraeth Cymru	Diweddariad	Cwblhawyd/ Parhaus
Derbyn	drwy'r prosiect WHEPPMA ac yn amodol ar gymeradwyo'r achos busnes, byddwn yn gofyn i NWIS rannu eu cynlluniau â'r Pwyllgor.		